

Na osnovu člana 5. i 10. Zakona o uplatama na jedinstveni račun i raspodjeli prihoda ("Službeni glasnik Bosne i Hercegovine" broj 55/04), Upravni odbor Uprave za indirektno oporezivanje na svojoj 50. sjednici održanoj dana 12. decembra donio je

**PRAVILNIK
O UPLAĆIVANJU INDIREKTNIH POREZA
I OSTALIH PRIHODA I TAKSI KOJE NAPLAĆUJE
UPRAVA ZA INDIREKTNNO OPOREZIVANJE**

I – Osnovne odredbe

1. Ovim pravilnikom uređuje se način uplate indirektnih poreza i ostalih prihoda i taksi koje naplaćuje Uprava za indirektno oporezivanje (u daljnjem tekstu: Uprava) i bliže određuju pojedinosti za svako plaćanje koje se odnosi na indirektnne poreze i ostale prihode i takse, izgled i sadržaj platnih naloga, pravila za prijenos platnih naloga, postupaka i pravila za prijem platnih naloga i izvršenje platnih transakcija, elemente ugovora o računima i podacima koje su banke dužne dostaviti Upravi.

Pod pojmom "indirektni porezi" podrazumijevaju se uvozne i izvozne dažbine, akcize, porez na dodatu vrijednost i svi drugi porezi obračunati na robu i usluge, uključujući i poreze na promet i putarine, kao što je navedeno u članu 1. i 4. Zakona o sistemu indirektnog oporezivanja u Bosni i Hercegovini, ("Službeni glasnik BiH", broj. 44/03 i 52/04).

Pod pojmom "ostali prihodi i takse" shodno članu 1. stav 3. Zakona o uplatama na jedinstveni račun i raspodjeli prihoda, ("Službeni glasnik BiH", broj 55/04). smatraju se prihodi od skladištenja, ležarine, novčanih kazni i prihoda od prodaje robe upućene Upravi ili bilo koje robe oduzete u upravnom ili prekršajnom postupku, prihodi od carinskog praćenja i prodaje uvjerenja EUR 1, iznajmljivanja, prihodi od vanrednih prihoda carinskih terminala, kao i drugi prihodi koje Uprava ostvari u okviru svoje djelatnosti, čime se podržava funkcionisanje jedinstvenog ekonomskog prostora u Bosni i Hercegovini.

2. Svaki porezni obveznik koji podliježe plaćanju indirektnih poreza i ostalih prihoda i taksi koje naplaćuje Uprava, ili uplatilac, koji uplaćuje obaveze u ime poreznog obveznika, dužan je da izda platne naloge i da prihode uplaćuje na način propisan ovim pravilnikom.

II – Bankarski računi za plaćanje indirektnih poreza i ostalih prihoda i taksi

1. Prilikom plaćanja po **izvoznoj** ili **uvoznoj** carinskoj prijavi, porezni obveznik sačinjava jedan platni nalog:

U tu svrhu, Uprava je otvorila sljedeće depozitne račune:

Tabela 1 – Plaćanje po carinskim prijavama.

Plaćanje obaveza pri uvozu koje se plaćaju na osnovu carinske prijave	
Broj bankarskog računa	Naziv i adresa banke
132000000000155	TUZLANSKA BANKA DD UL. TITOVA 34 75000 TUZLA
5520020001634415	HYPO ALPE-ADRIA BANK DD UL. IVANA FRANJE JUKIĆA 9 BANJA LUKA
5550000007469891	NOVA BANKA UL. SVETOG SAVE 46 76300 BIJELJINA
5510010002066420	NOVA BANJALUČKA BANKA AD UL. MARIJE BURSAČ 7 78000 BANJA LUKA
3380002200045141	UNIKREDIT ZAGREBAČKA BANKA UL.KARDINALA STEPINCA BB 88000 MOSTAR
1410010000776262	BBI BANKA UL. TRG DJECE SARAJEVA 71000 SARAJEVO
1540012000331351	UPI BANKA UL. OBALA KULINA BANA 9/A 71000 SARAJEVO
5620990001785197	RAZVOJNA BANKA JUGOISTOČNE EVROPE UL. KRALJA PETRA I KARADORĐEVIĆA 85A 78000 BANJA LUKA
5671628201111137	ZEPTEK KOMERC BANKA JEVREJSKA UL. POSLOVNI CENTAR 78000 BANJA LUKA
5655018550100071	BOBAR BANKA UL. NJEGOŠEVA BR.1 76300 BIJELJINA
1610000046470092	RAIFFEISEN BANK DD BIH UL. DANIJELA OZME 3 71000 SARAJEVO
564100000001191	LHB BANKA UL. MILANA TEPIĆA 4 78000 BANJA LUKA

Uputstvo o popunjavanju platnog naloga za ovu grupu uplata dato je u Aneksu V koji je sastavni dio ovog pravilnika.

2. Prilikom plaćanja uvoznih i izvoznih dažbina, akciza, putarina, PDV-a, poreza na promet i svih drugih poreza obračunatih na **uvoze** ili **izvoze**, koje se ne plaćaju na osnovu carinske prijave, porezni obveznik sačinjava platni nalog za svaku vrstu prihoda.

Prilikom plaćanja **ostalih prihoda i taksi**, - pogledati I – Osnovne odredbe ovog pravilnika, porezni obveznik sačinjava platni nalog za svaku vrstu prihoda.

Prilikom plaćanja jednokratnih uplata (kao npr. uplata po osnovu člana 76. Zakona o porezu na dodatu vrijednost "Službeni glasnik BiH", broj. 9/05 i 35/05), porezni obveznik sačinjava platni nalog za svaku vrstu prihoda.

U tu svrhu, Uprava je otvorila sljedeće depozitne račune:

Tabela 2 – Plaćanje obaveza pri uvozu i izvozu koje se **ne naplaćuju** na osnovu carinske prijave, odnosno ostalih prihoda i taksi, kao i plaćanja jednokratnih uplata.

Plaćanje obaveza pri uvozu i izvozu, koje se ne plaćaju na osnovu carinske prijave, kao i ostalih prihoda i taksi i jednokratnih uplata	
Broj bankarskog računa	Naziv i adresa banke
1320000000000252	TUZLANSKA BANKA DD UL.TITOVA 34 75000 TUZLA
5520020001634512	HYPO ALPE-ADRIA BANK DD UL. IVANA FRANJE JUKIĆA 9 78000 BANJA LUKA
5550000107469810	NOVA BANKA UL. SVETOG SAVE 46 76300 BIJELJINA
5510010002066517	NOVA BANJALUČKA BANKA AD UL. MARIJE BURSAČ 7 78000 BANJA LUKA

3380002200046014	UNIKREDIT ZAGREBAČKA BANKA UL.KARDINALA STEPINCA BB 88000 MOSTAR
1410010000777038	BBI BANKA UL.TRG DJECE SARAJEVA 71000 SARAJEVO
1540012000335037	UPI BANKA UL.OBALA KULINA BANA 9/A 71000 SARAJEVO
5620990001785294	RAZVOJNA BANKA JUGOISTOČNE EVROPE UL. KRALJA PETRA I KARADORĐEVIĆA 85A 78000 BANJA LUKA
5671628202222272	ZEPTER KOMERC BANKA JEVREJSKA UL. POSLOVNI CENTAR 78000 BANJA LUKA
5655018500225387	BOBAR BANKA UL. NJEGOŠEVA BR.1 76300 BIJELJINA
1610000046470189	RAIFFEISEN BANK DD BIH UL. DANIJELA OZME 3 71000 SARAJEVO
564100000002258	LHB BANKA UL. MILANA TEPIĆA 4 78000 BANJA LUKA

Uputstvo o popunjavanju platnog naloga za ovu grupu uplata dato je u Aneksu VI koji je sastavni dio ovog pravilnika.

3. Prilikom plaćanja **PDV-a, akciza i putarine na domaće proizvode**, porezni obveznik sačinjava jedan platni nalog.

Prilikom plaćanja **poreza na promet na akcizne proizvode domaće proizvodnje**, porezni obveznik sačinjava platni nalog za svaku vrstu prihoda.

U tu svrhu, Uprava je otvorila sljedeće depozitne račune:

Tabela 3 – Plaćanje PDV-a, akciza i putarine na domaće proizvode, kao i poreza na promet na akcizne proizvode domaće proizvodnje.

Plaćanje obaveza po osnovu PDV-a, akciza na domaće proizvode, putarina i poreza na promet na akcizne proizvode domaće proizvodnje	
Broj bankarskog računa	Naziv i adresa banke
1320000000000446	TUZLANSKA BANKA DD UL.TITOVA 34 75000 TUZLA
5520020001637131	HYPO ALPE-ADRIA BANK DD UL. IVANA FRANJE JUKIĆA 9 78000 BANJA LUKA
5550000407469858	NOVA BANKA UL. SVETOG SAVE 46 76300 BIJELJINA
5510010002067778	NOVA BANJALUČKA BANKA AD UL. MARIJE BURSAC 7 78000 BANJA LUKA
3380002200047954	UNIKREDIT ZAGREBAČKA BANKA UL.KARDINALA STEPINCA BB 88000 MOSTAR
1410010000787514	BBI BANKA UL.TRG DJECE SARAJEVA 71000 SARAJEVO
1540012000342409	UPI BANKA UL.OBALA KULINA BANA 9/A 71000 SARAJEVO
5620990001786555	RAZVOJNA BANKA JUGOISTOČNE EVROPE UL. KRALJA PETRA I KARADORĐEVIĆA 85A 78000 BANJA LUKA
5671628204444445	ZEPTER KOMERC BANKA JEVREJSKA UL. POSLOVNI CENTAR 78000 BANJA LUKA
5655018500225872	BOBAR BANKA UL. NJEGOŠEVA BR.1 76300 BIJELJINA
1610000046470286	RAIFFEISEN BANK DD BIH UL. DANIJELA OZME 3 71000 SARAJEVO
564100000004489	LHB BANKA UL. MILANA TEPIĆA 4 78000 BANJA LUKA

Uputstvo o popunjavanju platnog naloga za ovu grupu uplata dato je u Aneksu VII koji je sastavni dio ovog pravilnika

Platni nalog se popunjava na sljedeći način:

1. Uplatio je (ime, adresa i telefon):

Puno ime ili naziv firme, broj telefona i adresa pravnog lica ili fizičkog lica koje popunjava uplatnicu.

2. Svrha doznake:

Kratak opis svrhe doznake.

3. Primalac/primatelj:

Uprava za indirektno oporezivanje.

4. Mjesto i datum uplate:

Mjesto i datum uplate.

5. Račun pošiljaoca/pošiljatelja:

Gotovinska uplata: Ako podnosilac platnog naloga uplatu vrši gotovinom, ovo polje treba ostati nepopunjeno.

Bezgotovinska uplata: Ako podnosilac platnog naloga vrši bezgotovinsku uplatu, u ovo polje platnog naloga upisuje se broj bankarskog računa pošiljaoca.

6. Račun primaoca/primatelja:

Podnosilac platnog naloga upisuje jedan od brojeva računa iz Odjeljka "II – Bankarski računi za plaćanje indirektnih poreza i ostalih prihoda i taksu" ovog pravilnika, koji je otvoren za naplatu indirektnih poreza i ostalih prihoda i taksu koje naplaćuje Uprava.

7. Iznos (KM):

Iznos uplate u KM.

8. Hitno:

Ukoliko pošiljalac želi da izvrši uplatu putem RTGS sistema odmah nakon podnošenja platnog naloga banci, ovo polje bi trebalo biti označeno sa „X“.

9. Identifikacioni broj poreznog obveznika:

Uplata uvoza i izvoza prijavljenog u 2006. godini ili kasnije, ostalih prihoda i taksu obračunatih u 2006. godini ili kasnije, PDV-a, akciza ili putarina: porezni obveznik upisuje „0“ i dvanaestocifreni identifikacioni broj poreznog obveznika dodijeljenog od strane Uprave.

Za lica koja nemaju dvanaestocifreni identifikacioni broj, a učestvuju u carinskom postupku, prilikom uplate po osnovu carinske prijave upisati „0“ i jednu od šifara navedenih u Aneksu V tačka 9. ovog pravilnika.

Uplata uvoza i izvoza prijavljenog u 2005. godini ili ranije; ostalih prihoda i taksu obračunatih u 2005. godini ili ranije ili poreza na promet na domaće akcizne proizvode: porezni obveznik upisuje raniji trinaestocifreni identifikacioni broj poreznog obveznika (JIB ili JMB koji je dodijeljen predmetnom pravnom ili fizičkom licu).

Uplata ostalih prihoda i taksi i jednokratnih uplata prije nego Uprava dodijeli poreznom obvezniku dvanaestocifreni identifikacioni broj: porezni obveznik upisuje svoj trinaestocifreni identifikacioni broj (JIB ili JMB koji je dodijeljen predmetnom pravnom ili fizičkom licu).

10. Vrsta uplate:

Naznačiti da li je uplata redovna, prinudna ili je povrat sredstava, koristeći sljedeće brojeve:

0 – Redovna - Redovna uplata.

1 – Prinudna – Prinudna naplata po rješenju ili odluci.

2 – Povrat – Svi povrati pogrešno ili više uplaćenih sredstava.

11. Vrsta prihoda:

Uplata akcize na domaći duhan i duhanske preradevine: porezni obveznik upisuje vrstu prihoda „715412“ u ovo polje.

Uplata PDV-a, ostalih akciza i putarina na domaće proizvode, uvoznih i izvoznih dažbina po osnovu uvozne ili izvozne carinske prijave: porezni obveznik upisuje nule u ovo polje.

Uplata poreza na promet na domaće akcizne proizvode, ostalih prihoda i taksi, te jednokratnih uplata: porezni obveznik upisuje vrstu prihoda u skladu sa Aneksom I.

12. Porezni period – Od:

Uplata PDV-a, akciza i putarine na domaće proizvode, uvoznih i izvoznih dažbina ili ostalih prihoda i taksi: porezni obveznik upisuje nule u ovo polje.

Uplata poreza na promet na akcizne proizvode domaće proizvodnje: porezni obveznik u ovom polju i polju 13. obavještava Upravu o periodu za koji se porez uplaćuje. Ovo polje predstavlja prvi dan perioda za koji se porez uplaćuje. Datum treba biti naznačen sa dd/mm/gg.

13. Porezni period – Do:

Uplata PDV-a, akciza i putarine na domaće proizvode, uvoznih i izvoznih dažbina ili ostalih prihoda i taksi: porezni obveznik upisuje nule u ovo polje.

Uplata poreza na promet na akcizne proizvode domaće proizvodnje: porezni obveznik u ovom polju i polju 12 obavještava Upravu o periodu za koji se porez uplaćuje. Ovo polje predstavlja zadnji dan perioda za koji se porez uplaćuje. Datum treba biti naznačen sa dd/mm/gg.

14. Općina:

Porezni obveznik u ovo polje upisuje šifru općine prema šifarniku općina datom u Aneksu IV Pravilnika .

15. Budžetska organizacija:

Obaveze pri uvozu i izvozu ili ostali prihodi i takse: porezni obveznik upisuje „00“ i šifru nadležne organizacione jedinice Uprave gdje se obaveza mora platiti. Sistem šifara je sastavni dio ovog pravilnika, a šifre su date u Aneksu II ovog pravilnika.

Obaveze po osnovu PDV-a, akciza i putarina na proizvode domaće proizvodnje: porezni obveznik upisuje nule u ovo polje.

Porez na promet na akcizne proizvode domaće proizvodnje: porezni obveznik upisuje „000“ i šifru nadležne Porezne ispostave. Sistem šifara je sastavni dio ovog pravilnika, a šifre su date u Aneksu III ovog pravilnika.

Za jednokratne uplate, (kao npr. uplata po osnovu člana 76. Zakona o porezu na dodatu vrijednost “Službeni glasnik BiH”, broj. 9/05 i 35/05) porezni obveznik upisuje “0030000”.

16. Poziv na broj:

Uplata carine (JCI) kako je opisano u Odjeljku II –Bankarski računi za uplatu indirektnih poreza i ostalih prihoda i taksii, tačka 1. ovog pravilnika: za uplatu carine po carinskoj prijavi u ovo polje se upisuje 10-cifreni broj fakture izdane od strane nadležne organizacione jedinice Uprave.

Uplata ostalih prihoda i taksii prema opisu iz Odjeljka II – Bankarski računi za uplatu indirektnih poreza i ostalih prihoda i taksii, tačka 2. ovog pravilnika: porezni obveznik upisuje broj fakture ili odluke (rješenja) izdane od strane Uprave. Ako ne postoji broj porezni obveznik upisuje nule u ovo polje.

Uplata po poreznim prijavama: porezni obveznik upisuje nule.

Uplata akcize na domaći duhan i duhanske preradevine: porezni obveznik upisuje broj fakture izdane od strane nadležne organizacione jedinice Uprave u ovo polje. Za jednokratne uplate, (kao npr. uplata po osnovu člana 76. Zakona o porezu na dodatu vrijednost “Službeni glasnik BiH”, broj. 9/05 i 35/05) porezni obveznik upisuje “2100000000”.

17. Potpis i pečat:

Potpis osobe ili potpis ovlaštene osobe pravnog lica koja podnosi platni nalog. Potpis ovlaštenih potpisnika treba biti deponovan u banci gdje se podnosi platni nalog. Ako je osoba koja podnosi platni nalog pravno lice, platni nalog treba sadržavati i pečat pravnog lica.

18. Potpis bankarskog službenika:

Potpis službenika banke ili PTT ureda koji primi platni nalog.

19. Pečat banke:

To je pečat banke ili PTT ureda kojem se podnosi platni nalog.

V – Postupanje s platnim nalozima, platnim transakcijama i izvodima sa računa

A: Pravila za prijenos platnog naloga.

1. Sve banke i PTT uredi moraju sačiniti obrazac naveden u Odjeljku “IV – Način plaćanja indirektnih poreza i ostalih prihoda i taksii” za plaćanje indirektnih poreza i ostalih prihoda i taksii Upravi.
2. Elektronski platni nalog se može koristiti u bilo kom obliku kojeg vlastiti informacioni sistem svake banke može prihvatiti ako ispunjava zahtjeve za podacima iz ovog pravilnika.

3. Da bi se podaci o prihodima jednoobrazno prenijeli na SWIFT platformu za prenošenje poruka, sve banke moraju unijeti podatke sa platnog naloga, kako slijedi:
 - a. [SWIFT referenca TAG 20]. Jedinstveni transakcioni referentni broj dodijeljen od strane banke koja je provela transakciju – 16 cifri.
 - b. [SWIFT referenca TAG 32]. Sadrži datum transakcije i iznos.
Polje 4 (Datum transakcije), 6 cifri,
Polje 7 (Iznos prihoda),
 - c. [SWIFT referenca TAG 50],
Sadrži ime pošiljaoca
Polje 1 (Ime pošiljaoca)
 - d. [SWIFT referenca TAG 59],
Polje 6 ((Prvi red) Račun primaoca), 16 cifri
 - e. [SWIFT referenca TAG 70]
TAG 70 predviđa 35 alfa-numeričkih karaktera na svakoj od četiri linije. Sve banke unose sljedeća polja s podacima tačnim redosljedom kako je predviđeno u daljnjem tekstu:
Polje 5 (Račun pošiljaoca), 16 cifri
Polje 9 (Broj poreznog obveznika), 13 cifri
Polje 10 (Vrsta uplate), 1 cifra
Polje 11 (Vrsta prihoda), 6 cifri
Polje 12 (Porezni period - od), 6 cifri
Polje 13 (Porezni period - do), 6 cifri
Polje 14 (Općina), 3 cifre
Polje 15 (Budžetska organizacija), 7 cifri
Polje 16 (Poziv na broj dokumenta), 10 cifri.
 - f. U SWIFT-u [Header Block] BIC (šifra za identifikaciju banke) šifra pošiljaoca u SWIFT formatu.

To je identifikaciona šifra banke ili njene filijale odakle je upućena platna transakcija.

B: Postupci i pravila za platne naloge i izvršenje platnih naloga.

1. Ispravno popunjen platni nalog podnosi se banci ili PTT uredu na izvršenje.
2. Nakon primanja ispravno popunjenog platnog naloga, banka ili PTT ured je dužna izvršiti formalnu i suštinsku kontrolu ispravnosti naloga, a nakon toga pripremiti elektronski platni nalog koji sadrži podatke iz člana A tačka 2. ovog Odjeljka .
3. Svaki ispravno popunjeni platni nalog se potom elektronski podnosi klirinškoj kući ili RTGS sistemu. Ako je platna transakcija vremenski hitna, odgovarajuće polje označeno sa "Hitno" obilježava se na elektronskom platnom nalogu čime se upućuje na RTGS.
4. Na dnu uzorka obrasca elektronskog platnog naloga iz Odjeljka V, član A tačka 2. ovog Pravilnika nalaze se polja „submit“ (podnesi), „queue“ (čekanje u redu), „edit“ (uredi) i „close“ (zatvori). Sugerise se da se u slučaju pojave određenih problema (tj. greške ili nemogućnosti čitanja platnog naloga) elektronski platni nalog pošalje na čekanje u redu. Tu se može zadržati radi

provjere prema platnom nalogu ili kontaktiranja pojedinca ili pravnog lica koje je popunilo platni nalog.

5. Ako postoje greške ili drugi problemi, banke su dužne da riješe problem do kraja petog bankarskog dana. Ukoliko se radi o uplati u gotovini, iznos gotovine se prebacuje na privremeni račun. Ako se to ne može riješiti u navedenom roku, novac se vraća nalagodavcu-pojedincu ili pravnom licu koje je popunilo platni nalog, a obavijest o tome se dostavlja poreznom obvezniku ukoliko nalagodavac i porezni obveznik nisu ista lica.

C: Izvod sa računa.

1. Banke, u kojima je Uprava otvorila depozitne račune, elektronskim putem, dnevno, obavještavaju Upravu o pojedinačno izvršenim platnim transakcijama.
2. Banke, u kojima je Uprava otvorila depozitne račune, Upravi dnevno dostavljaju izvode sa računa u kojem navode svako zaduživanje i potraživanje poslano na račun od zadnjeg izvoda i daju konačno stanje. Uprava može odobriti zbirna potražna i zadužna pomjeranja na računu, ako elektronski dobiva detaljne podatke o pomjeranju.

D: Dokumentacija o uplatama.

1. Svaki platni nalog za uplatu indirektnih poreza i ostalih prihoda i taksu mora biti odštampan u najmanje dva primjerka dimenzija 17,5 cm x 10 cm. Jedan primjerak zadržava banka odakle je upućena transakcija, koja je dužna da ga čuva u svojim prostorijama pet godina, a drugi primjerak se daje pojedincu ili pravnom licu koje je platilo iznos naveden na platnom nalogu.
2. Banka odakle je upućena transakcija, na zahtjev, dostavlja ovjereni primjerak platnog naloga Upravi.

VI – Ostale odredbe

1. U skladu s odlukom (rješenjem) izdanim od strane Uprave, svaki povrat više uplaćenih ili pogrešno uplaćenih prihoda vrši se preko odgovarajućeg bankarskog računa Uprave za povrat.
2. Platni nalozi izdaju se banci na osnovu pravosnažnog rješenja nadležne organizacione jedinice Uprave, a ista ih donosi na osnovu dokaza o više ili pogrešno uplaćenim prihodima podnesenim od strane uplatioca, odnosno na osnovu dokumentacije kojom raspolaže korisnik prihoda.

U slučaju više uplaćenog iznosa, buduće uplate poreznog obveznika se mogu umanjiti za iznos koji bi trebao biti vraćen. Ako je funkcionisanje platnog računa prestalo, banke su dužne da vlasnika računa obavijeste o svim daljnjim aktivnostima.

3. Banke su dužne da u svojim softverskim rješenjima obezbijede interne kontrolne postupke kako ne bi došlo do obrade naloga koji nisu popunjeni u skladu s ovim pravilnikom, kao i da vode evidenciju o svim izvršenim uplatama i usmjeravanjima prihoda za svaki račun otvoren u skladu s ovim pravilnikom.
4. Svi prihodi uplaćeni na račune regulisane prema ovom pravilniku dnevno se prebacuju na račun Uprave otvoren u Centralnoj banci Bosne i Hercegovine, u skladu s pravilima predviđenim u Zakonu o jedinstvenom računu i raspodjeli prihoda („Službeni glasnik BiH“, broj 55/04).

VII – Prijelazne i završne odredbe

1. Ovaj pravilnik stupa na snagu narednog dana od dana objavljivanja u Službenom glasniku BiH i primjenjuje se od 1. januara 2006. godine.
2. Od dana početka primjene ovog pravilnika prestaje da važi Pravilnik o uplaćivanju indirektnih poreza i ostalih prihoda i naknada koje naplaćuje Uprava za indirektno oporezivanje („Službeni glasnik BiH“ broj 59/04).
3. Ovaj pravilnik se ne primjenjuje na obaveze obračunate po osnovu indirektnih poreza stvorenih po entitetskim zakonima i zakonima Brčko Distrikta koji regulišu porez na promet i akcize, a koji su bili na snazi do 31.12.2004. godine, te na porez na promet proizvoda i usluga koji se u 2005. godini nisu uplaćivali na jedinstveni račun u skladu sa članom 24. stav 3. Zakona o porezu na promet proizvoda i usluga („Službeni glasnik BiH“ broj 62/04,38/05).